



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në mbështetje të neneve 12 dhe 34 të Ligjit Nr.03/ L-040 për Vetëqeverisjen Lokale, Gazeta Zyrtare e Republikës së Kosovës, nr.28 e datës 4 qershor 2008, nenit 6 të Udhëzimit Administrativ nr.2008/8 Për marrëveshtjet e bashkëpunimit të Komunës me fshatrat, vendbanimet dhe lagjet urbane, si dhe nenit 14 të Statutit të Komunës së Lipjanit 1Nr.110-623 i datës 26.09.2008, Kuvendi i Komunës në mbledhjen e mbajtur më 31.10.2014 miratoi këtë

**RREGULLORE
PËR BASHKËPUNIMIN E KOMUNËS DHE ORGANIZIMIN E
FSHATRAVE, VENDBANIMEVE DHE LAGJEVE URBANE**

I. DISPOZITAT E PËRGJITHËSHME

**Neni 1
Qëllimi**

Qëllimi i kësaj rregulloreje është të përcaktohen format e bashkëpunimit ndërmjet Komunës me vendbanimet, fshatrat dhe lagjet urbane, organizimi i fshatrave, vendbanimeve dhe lagjeve urbane të Komunës së Lipjanit, promovimin dhe zhvillimin e transparences, llogaridhënien dhe pjesmarrjen e qytetarve në proceset vendimmarrjes.

**Neni 2
Objekti i rregullimit**

Objekt i rregullimit të kësaj rregulloreje janë format e bashkëpunimit ndërmjet Komunës me vendbanimet, fshatrat dhe lagjet urbane, struktura organizative dhe funksionale të fshatrave dhe vendbanimeve dhe lagjeve urbane, si dhe zgjedhja e tyre, përgjegjësitë dhe obligimet e këshillave dhe kryetarëve të këshillave të fshatrave, vendbanimeve dhe lagjeve urbane.

II. BASHKËPUNIMI I KOMUNËS ME VENDBANIMET, FSHATRA DHE LAGJET URBANE

Neni 3

Marrëveshjet për bashkëpunim

1. Komuna mund të lidhë marrëveshje me fshatrat, vendbanimet dhe lagjet urbane për përmbushjen e nevojave në zhvillimin ekonomik dhe të infrastrukturës, të arsimit, shëndetësisë dhe të ofrimit të shërbimeve nga kompetenca e Komunës, me interes për të gjithë qytetarët.
2. Iniciativa për lidhjen e marrëveshjeve mund të bëhet nga Kryetari dhe Kuvendi i Komunës, nga tubimet e qytetarëve dhe këshillat e vendbanimeve, fshatrave dhe lagjeve urbane.

Neni 4

Procedura e miratimit të marrëveshjeve

1. Për miratimin e iniciativës për lidhjen e marrëveshjes për bashkëpunim, merret Vendim nga Kryetari i Komunës, Kuvendi i Komunës dhe Kshilli i lokalitetit ose Tubimi i qytetarëve të lokalitetit, me të cilin përcaktohet obligimi për hartimin e Draft Marrëveshjes për qështjet e inicuar të bashkëpunimit.
2. Për njoftimin e publikut si dhe për dhënien e vërejtjeve dhe të sygjërimeve nga qytetarët, Draft marrëveshjet publikohen në faqen elektronike të Komunës, në Tabelën e shpalljeve dhe në vendet më të frekventuara të vendbanimit, fshatit apo lagjes përkatëse urbane.
3. Pas skadimit të afatit për dhënien e vërejtjeve dhe të sygjërimeve, përgatitet propozimi për miratimin e Marrëveshjes.
4. Teksti i propozuar i Marrëveshjes për bashkëpunim miratohet me vendimet e Kuvendit të Komunës dhe Tubimit të qytetarëve nëse iniciativa është ndërmarrë nga Kuvendi, qështja është në kompetenc të Kuvendit
5. Marrëveshjen e bashkëpunimit e nënshkruajnë Kryetari i Komunës dhe Kryetari i Këshillit të vendbanimit, fshatit apo lagjes përkatëse urbane.

Neni 5

Kryerja e aktiviteteteve nga kompetenca dhe përgjegjësitë e Komunës

Kuvendi i Komunës, me Vendim mund të vendos që aktivitetet e caktuara nga kompetenca dhe përgjegjësitë e Komunës, të kryhen nga vendbanimi, fshati apo lagja përkatëse urbane.

III. ORGANIZIMI I FSHATRAVE, VENDBANIMEVE DHE LAGJEVE URBANE

Neni 6.

Fshatrat, vendbanimet dhe lagjet urbane

Komuna e Lipjanit përbëhet nga qyteti i Lipjanit me 4 lagje urbane si dhe vendbanimet, fshatrat në pajtim me Statutin e Komunës.

Neni 7

Organizimi funksional

1. Për bashkëpunim me organet e komunës, për identifikimin e nevojave për zhvillim ekonomik si dhe për ofrimin e shërbimeve cilësore për qytetarë, fshatrat, vendbanimet dhe lagjet urbane zgjedhin Këshillin e vendbanimit, fshatit, përkatësisht të lagjes urbane dhe Kryetarin e Këshillit (në vazhdim të teksit: Këshilli i lokalitetit dhe Kryetari i Këshillit).

2. Këshilli i lokalitetit zgjedhet në Tubimin zgjedhor të qytetarëve të lokalitetit, në pajtim me Vendimin e Kuvendit të Komunës për organizimin e zgjedhjeve në vendbanime, fshatra dhe lagje urbane, në kohëzgjatje të mandatit prej 4 vite.

3. Numri i antarëve të Këshillit të lokalitetit, përcaktohet me vendim të Kuvendit të Komunës për organizimin e zgjedhjeve, në bazë të numrit të banorëve të lokalitetit, si vijon:

Deri në 1000 banorë 5 anëtarë

Deri në 3000 banorë 7 anëtarë

Deri në 5000 banorë 9 anëtarë

Mbi 5000 banorë 11 anëtarë.

4. Anëtarë të Këshillit, mund të zgjedhen qytetarët me të drejtë vote dhe me vendbanim të përhershëm në lokalitetin për të cilin organizohet zgjedhja e Këshillit dhe Kryetarit të Këshillit.

5. Në Këshill duhet të zgjedhen së paku 30% të anëtarëve nga gjinia femrore.

6. Në lokalitetet, në të cilat jetojnë pjesëtarët e komuniteteve joshumicë, në përbërje të anëtarëve Këshillit të lokalitetit duhet të jenë të përfaqësuar pjesëtarët e komuniteteve joshumicë.

7. Kandidatët e propozuar zgjedhen anëtarë të Këshillit, të cilët me votim të hapur apo të fshehtë fitojnë numrin më të madh të votave nga shumica e thjeshtë e votuesve në tubimin zgjedhor të qytetarëve.

8. Kryetarin e zgjedhë Këshilli nga përbërja e Këshillit, me shumicë të votave të anëtarëve, në kohëzgjatje të mandatit prej 4 vite.

9. Anëtarë të Këshillit, nuk mund të zgjedhen anëtarët e Kuvendit të Komunës, shërbyesit civil të Administratës së Komunës, anëtarët e Komisionit për zgjedhjet lokale dhe anëtarët e Komisionit për organizimin e zgjedhjeve në vendbanime, fshatra dhe lagje urbane.

Neni 8

Vendimi për organizimin e zgjedhjeve

1. Kuvendi i Komunës merr vendim për organizimin e zgjedhjeve për zgjedhjen e këshillave dhe kryetarëve të këshillave të lokalitetit.
2. Me vendim përcaktohet vendi dhe data e mbajtjes së tubimeve zgjedhore, numri i anëtarëve të këshillave sipas numrit të banorëve të lokalitetit dhe shuma e nevojshme e mjeteve financiare për organizimin e zgjedhjeve.

Neni 9

Komisioni për organizimin e zgjedhjeve

Kuvendi i Komunës, për organizimin e zgjedhjeve në vendbanime, fshatra dhe lagje urbane formon Komisionin në përbërje prej 7 anëtarëve.

Neni 10

Detyrat e Komisionit

1. Detyrat e Komisionit për organizimin e zgjedhjeve, në pajtim me Vendimin e Kuvendit të Komunës dhe me këtë Rregullore (në vazhdim të tekstit: Komisioni), përcaktohen, si në vijim:
 - 1.1 kryen përgatitjet e nevojshme dhe veprimet tekniko-administrative për organizimin e zgjedhjeve,
 - 1.2 planifikon dhe kërkon nga organet kompetente të Komunës fillimin e procedurës për furnizim me materiale të nevojshme për organizimin e zgjedhjeve,
 - 1.3 përcakton kohën e mbajtjes së tubimeve zgjedhore të qytetarëve për zgjedhjen e këshillave dhe kryetarëve të këshillave,
 - 1.4 harton dhe të publikon ftesat për tubimet zgjedhore të qytetarëve,
 - 1.5 cakton nga përbëja e Komisionit, antarët për pjesëmarrje në tubimet të qytetarëve,
 - 1.6 siguron shënimet për numrin e qytetarëve me të drejtë vote të lokalitetit,
 - 1.7 përgatitë formularët e certifikatave për kandidatët e zgjedhur anëtarë të Këshillit,
 - 1.8 Të përgatitë formularët e vendimeve të Tubimit të qytetarëve për zgjedhjen e Këshillit dhe Kryetarit të Këshillit.

2. Nga tubimet e mbajtura të qytetarëve, siguron kopjet e nënshkruara të procesverbaleve, të certifikatave për zgjedhjen e anëtarëve të këshillave dhe vendimeve të kryetarëve të këshillave.

3. Komisioni, harton dhe i dërgon Kuvendit të Komunës Raportin për rezultatet e zgjedhjeve, të cilit ia bashkëngjetë kopjet e nënshkruara të procesverbaleve dhe të certifikatave për zgjedhjen e anëtarëve të këshillave dhe të vendimeve për zgjedhjen e kryetarëve të këshillave.

4. Komisioni, bashkë me raportin për rezultatet e zgjedhjeve i dërgon Kuvendit edhe Pasqyrën e materialeve të shpenzuara me koston financiare të furnizimit.

Neni 11

Njoftimi për mbajtjen e tubimeve zgjedhore të qytetarëve

1. Komisioni, harton dhe publikon Njoftimet për mbajtjen e tubimeve zgjedhore të qytetarëve të vendbanimit, fshatit dhe lagjes së caktuar urbane.
2. Njoftimi duhet të përmbajë vendin, datën dhe orën e mbajtjes së Tubimit zgjedhor dhe Rendin e Ditës.
3. Njoftimi do të publikohet në faqen elektronike të Komunës, në tabelën e shpalljeve të Komunës, në vendet më të frekventuara në vendbanim, fshat apo lagje urbane, së paku 15 ditë para datës së caktuar për mbajtjen e tubimit zgjedhor.

Neni 12

Kuorumi për mbajtjen e Tubimit zgjedhor të qytetarëve

1. Kuorumin e përbëjnë Tubimi i qytetarëve të cilët marrin pjesë në zgjedhjen e Këshillit të fshatit Vendbanimit, Lagjeve Urbane jo më pakë se 5% të votuesve (qytetarëve) me të drejtë vote.

Neni 13

Puna e Tubimit të qytetarëve për zgjedhjen e Këshillit të lokalitetit

1. Punën e Tubimit zgjedhor të qytetarëve e kryeson një qytetar i zgjedhur me shumicë të votave të qytetarëve të Tubimit.
2. Për punën e Tubimit mbahet procesverbali nga një qytetar i Tubimit i caktuar nga shumica e qytetarëve të Tubimit.
3. Pas evidentimit në procesverbal të pranishmëve, në propozim të Kryesuesit, me shumicë të votave Tubimi miraton Rendin e Dites për zgjedhjen e Këshillit dhe Kryetarit të Këshillit.

Neni 14
Evidencimi i kandidatëve dhe mënyra e votimit

1. Pas miratimit të Rendit të ditës, qytetarët propozojnë kandidatët të cilët pranojnë të jenë anëtarë të Këshillit.
2. Votimi për kandidatët e evidencuar mund të bëhet me votim të hapur ose me votim të fshehtë.
3. Për mënyren e votimit, Tubimi vendos me shumicë të votave të qytetarëve prezent.

Neni 15
Procedura e votimit të hapur

1. Konform vendimit për votim të hapur, Kryesuesi, për zgjedhjen e anëtarëve të Këshillit, kërkon që të votohet për secilin kandidat të propozuar sipas radhës së evidencimit.
2. Kryesuesi, në bazë të rezultateve të votimit, publikon emrat e kandidatëve të cilët kanë fituar shumicën e votave të qytetarëve prezent dhe janë zgjedhë anëtarë Këshillit.
3. Nëse pas votimit nuk është zgjedhë një numër i anëtarëve të Këshillit, atëherë për zgjedhjen e tyre do të veprohet konform nenit 14 dhe dispozitave të këtijë neni.

Neni 16
Procedura e votimit të fshehtë

1. Nëse Tubimi vendos për votim të fshehtë, Kryesuesi, pas evidencimit të kandidatëve në pajtim të nenit 14 të kësaj Rregulloreje i propozon Tubimit emërimin e Këshillit për organizimin e votimit të fshehtë, në përbërje prej tre anëtarëve.
2. Anëtarë të Këshilli për organizimin e votimit të fshehtë, nuk mund të emërohen kandidatët për të cilët duhet të votohet.
3. Këshilli për organizimin e votimit të fshehtë, menjëherë pas emërimit, tërhiqet dhe në vazhdim të punës së tubimit, përgatitë dhe vendosë kutinë për votim dhe i shpërndanë fletëvotimet për votim të fshehtë.
4. Pas votimit, Këshilli për organizimin e votimit të fshehtë, bënë numërimin e votave dhe i komunikon Tubimit Raportin mbi rezultatin e votimit.
5. Raporti mbi rezultatin e votimit të fshehtë duhet të përmbajë:
 - 5.1 konstatimin për numrin e qytetarëve prezent në Tubimin zgjedhor,
 - 5.2 numrin e fletëvotimeve të shpërndara,

5.3 numrin e fletëvotimeve të vendosura në kuti pas votimit,

5.4 numrin e fletëvotimeve të vleftëshme dhe të pavleftëshme dhe

5.5 Emrat dhe mbiemrat e kandidatëve sipas radhës me numrin më të madh të votave të fituara, si dhe të kandidatëve që nuk kanë fituar shumicën e votave të qytetarëve prezent.

5.6 Kryesuesi, konform Raportit të Komisionit, konstaton kandidatët të cilët janë zgjedhë anëtarë Këshillit.

5.7 Nëse pas votimit konstatohet se nuk është zgjedhë një numër i anëtarëve të Këshillit, atëherë për zgjedhjen e tyre të do të veprohet konform nenit 14 dhe dispozitave të këtijë neni.

Neni 17

Certifikata dhe Vendimi mbi zgjedhjen

1. Në bazë të rezultateve të votimit për anëtarë të Këshillit, kandidatëve të zgjedhur iu lëshohet Certifikata mbi zgjedhjen anëtarë i Këshillit, e nënshkruar nga Kryesuesi i Tubimit si dhe nga përfaqësuesi i Komisionit i emruar nga Kuvendi Komunal.

2. Në bazë të rezultateve të votimit për Kryetar të Këshillit, anëtarit të zgjedhur i lëshohet Vendimi mbi zgjedhjen Kryetar i Këshillit i nënshkruar nga Kryesuesi i Tubimi dhe nga përfaqësuesi i Komisionit i emruar nga Kuvendi Komunal.

Neni 18

Pushimi i mandatit të anëtarëve dhe kryetarëve të këshillave

Mandati i anëtarëve dhe kryetarëve të këshillave, pushon

1.1 Me skadimin e afatit të mandatit,

1.2 Me dorëheqje,

1.3 Me shkarkim dhe

1.4 Nëse zgjedhet në funksione për të cilat në pajtim me këtë Rregullore është parapa se nuk mund të jetë anëtarë i Këshillit.

Neni 19

Dorëheqja

1. Dorëheqja mund të jepet me shkrim nga anëtari dhe Kryetari i Këshillit, e cila për njoftimn i dërgohet Këshillit.

2. Dorëheqja nga funksioni i Kryetarit nuk prezumon edhe dorëheqjen nga funksioni i anëtarit të Këshillit, nëse kjo në dorëheqje nuk është theksuar.

3. Dorëheqja është e plotëfuqishme me datën e specifikuar nga dhënësi i dorëheqjes.

Neni 20

Procedura e shkarkimit

1. Anëtari dhe Kryetari i Këshillit shkarkohet në rastet, si vijon:

1.1 nëse nuk i përmbushë obligimet e përcaktuara me këtë Rregullore,

1.2 Nëse zgjedhet në funksione për të cilat, në pajtim me këtë Rregullore është parapa se nuk mund të jetë anëtarë i Këshillit, nëse për këtë rrethanë anëtari nuk jep dorëheqje.

2. Iniciativën për shkarkim sipas par 1 nënpar. 1.1 të këtijë neni të arsyetuar me shkrim mund ta japin 1/3 % e qytetarëve të vendbanimit, fshatit apo të lagjes urbane.

3. Iniciativën për shkarkim sipas par 1 nënpar. 1.2 të këtijë neni mund ta jap Këshilli apo çdo qytetar në Tubimin e qytetarëve të vendbanimit, fshatit apo të lagjes urbane.

4. Vendimi për shkarkim mund të merret nga Kshilli i Fshatit, Vendbanimit Lagjeve Urbane.

Neni 21

Zgjedhja e anëtarëve dhe kryetarëve në rast të dorëheqjes apo shkarkimit

Për zgjedhjen e anëtarëve dhe kryetarëve të ri në rast të dorëheqjes së tyre apo shkarkimit do të zbatohet procedurë e njejtë e paraparë me këtë Rregullore për zgjedhjen e anëtarëve dhe kryetarëve të këshillave të lokalitetit.

Neni 22

Puna dhe përgjegjësitë e Këshillit të lokalitetit dhe Kryetarit të Këshillit

1. Këshilli i lokalitetit, për rrealizimin e aktiviteteve në përmbushjen e nevojave të qytetarëve, kryen punët dhe është përgjegjës, si vijon

1.1 Thërret Tubimin e qytetarëve për shqyrtimin e qështjeve me interes për plotësimin e nevojave të qytetarëve,

1.2 Inicon dhe njofton Tubimin e qytetarëve dhe organet kompetente të Komunës përkitazi me qështjet e caktuara për zhvillim ekonomik, për organizimin e aktiviteteve kulturore dhe sportive, për ndërtim të infrastrukturës, për mbrojtje të ambientit, për të rritje të cilësisë dhe efikasitetit të shërbimeve për qytetar si dhe për qështjet tjera me interes për plotësimin e nevojave të qytetarëve,

1.3 Thërret Tubimin e qytetarëve dhe përgatitë vërejtje dhe propozime për shqyrtim publik të Drafteve të akteve nga kompetenca dhe përgjegjësitë e Komunës,

1.4 Koordinon aktivitetet për zhvillimin e bashkëpunimit me organet e Komunës,

1.5 Inicon qështjet për miratim nga Tubimi i qytetarëve për qështjet e lidhjes së marrëveshjeve të bashkëpunimit me Komunën.

1.6 Ndërmerrë masa për realizimin e vendimeve të Kuvendit të Komunës me të cilat është vendosë që aktivitetet e caktuara nga kompetenca dhe përgjegjësitë e Komunës, të kryhen nga vendbanimi, fshati apo lagja përkatëse urbane.

2. Këshilli, për qëshjet e cekura në par.1 të këtijë neni vendos në mbledhjet e Këshillit me shumicë të votave të anëtarëve prezent.

3. Për punën e Këshillit mbahet proceverbal.

Neni 23

Puna dhe përgjegjësitë e Kryetarit të Këshillit

Kryetari i Këshillit të lokalitetit, kryen punët dhe është përgjergjës, si vijon:

1.1 Thërret dhe i kryeson mbledhjet e Këshillit,

1.2 Njofton Tubimin e qytetarëve dhe organet e Komunës për punën e Këshillit,

1.3 Në pajtim me Vendimin e Tubimit të qytetarëve nënshkruan marrëveshjet për bashkëpunim me Komunën,

1.4 Ndërmerrë masa për zbatimin e Vendimeve të Tubimit të qytetarëve,

1.5 Ndërmerrë masa për zbatimin e marrëveshjeve të bashkëpunimit me Komunën,

1.6 Ndërmerrë masa për zbatimin e vendimeve të Kuvendit të Komunës me të cilat është vendosë që aktivitetet e caktuara nga kompetenca dhe përgjegjësitë e Komunës, të kryhen nga vendbanimi, fshati apo lagja përkatëse urbane.

IV. FINANCIMI

Neni 24

Financimi i marrëveshjeve mbi bashkëpunimin

Komuna do të kujdeset për planifikimin dhe realizimin e mjeteve të pjesës financiare të Komunës me rastin e nënshkrimit të marrëveshjeve për bashkëpunim me fshatrat, vendbanimet dhe lagjet urbane.

Neni 25

Financimi i aktiviteteve nga kompetenca e Komunës

1. Komuna, siguron mjetet e nevojshme financiare për realizimin e vendimeve të Kuvendit të Komunës me të cilat është vendosë që aktivitetet e caktuara nga kompetenca dhe përgjegjësitë e Komunës të kryhen nga fshatrat, vendbanimet dhe lagjet urbane.

2. Kuvendi i Komunës me vendim të verçantë, do të caktojë lartësinë e kompenzimit të kryetarëve të këshillave të lokalitetit për pjesëmarrje në takimet e organizuara nga Komuna për bashkëpunim me fshatrat, vendbanimet dhe lagjet urbane.

Neni 26
Financimi i zgjedhjeve

Komuna, planifikon dhe siguron mjetet e nevojshme financiare konform Vendimit për zgjedhjet e Këshillave të fshatrave, vendbanimeve dhe lagjeve urbane.

Neni 27
Financimi i aktiviteteve të fshatrave, vendbanimeve dhe lagjeve urbane

Aktivitetet e përcaktuara sipas vendimeve nga Tubimet e qytetarëve dhe Këshillave të fshatrave, vendbanimeve dhe lagjeve urbane, do financohen , si vijon:

28.1 nga mjetet vetanake të qytetarëve,

28.2 nga mjetet e planifikuara me Buxhetin e Komunës dhe

28.3 nga mjetet e donatorëve.

IV. DISPOZITAT KALIMTARE DHE PËRFUNDIMTARE

Neni 28

Në rast konflikti të dispozitave të kësaj rregullore me ligjin për Vetqeverisje Lokale, Statutin e Komunës, mbizotrojnë dispozitat e ligjit dhe statutit.

Neni 29
Hyrja në fuqi

1 Kjo Rregullore hyn në fuqi 15 ditë pas rexhistrimit në zyrën e protokollit të Ministrisë së Administrimit të Pushtetit Lokal si dhe publikimit në gjuhë zyrtare në veb faqën e Komunës.

2. Me hyrjen në fuqi të kësaj Rregulloreje shfuqizohet Rregullorja 01Nr.205-650 e datës 27.07.2009 për strukturën organizative, dhe funksionale të fshatrave, vendbanimeve dhe lagjeve urbane të Komunës së Lipjanit

Nr. 15-011-45599
Lipjan, më 12.10.2014

KUVENDI I KOMUNËS LIPJAN

KRYESUESJA E KUVENDIT
Vlora Limani-Hajruni

